



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0037344 25
Travnik, 27.10.2025.godine

OPĆINSKOM SUDU U TRAVNIKU

-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav I. Zakona o krivičnom postupku Federacije Bosne i Hercegovine, podižem

OPTUŽNICU

Potvrđena dana 14.11.2025. godine.

Protiv:
F.K.

Što je:

Dana 17.04.2025.godine oko 07,50 sati u mjestu Počulica bb, općina Vitez, nasiljem i drskim ponašanjem ugrozio građanski mir i pri tome oštetio tuđu pokretnu stvar na način da je iako svjestan svojih postupaka koje planira poduzeti, kao i da uslijed istih može doći do narušavanja građanskog mira i oštećenja tuđe pokretne stvari i htijući to, nakon što je uzeo sjekiru koju je posjedovao, krenuo od svoje kuće, a potom došao do trgovačke radnje Tepih Centar Đeno – Hali, koja se nalazi u blizini, te na parking prostoru navedene trgovačke radnje na kojem su se nalazila parkirana vozila Audi A6 reg. oznaka *** vlasništvo oštećenog H. DŽ. i tmv Mercedes reg. oznaka *** vlasništvo oštećenog Doo Đeno-Hali podružnica broj 2 Brčko, te upotrebom fizičke snage i sjekire, počeo lupati i udarati po navedenom vozilu, kojom prilikom je na vozilu Mercedes reg. oznaka *** te pričinio sljedeća oštećenja: oštećenje na prednjem vjetrobranskom staklu, prednjem desnom prozoru, zadnjem desnom stop svjetlu, zadnjem vjetrobranskom staklu, da bi u jednom momentu, dok je isti lupao po vozilu, sa prozora kuće mu se obratila Z. Z. riječima „Šta radiš Bucko?“ na što se isti oglušio te nastavio pričinjavati štetu na navedenom vozilu, da bi potom, prišao vozilu Audi A6 reg. oznaka *** te je upotrebom fizičke snage počeo udarati i lupati sjekiricom po površini navedenog vozila, a gdje je tom prilikom na vozilu

pričinio sljedeća oštećenja: oštećenje na prednjem desnom prozoru, na prednjim desnim vratima, na zadnjem desnom prozoru, zadnjim desnim vratima, desnom retrovizoru, prednjem desnom faru, zadnjem vjetrobranskom staklu, poklopcu prtljažnika, zadnjem lijevom stop svjetlu, zadnjem braniku, zadnjem desnom stop svjetlu, prednjem desnom dijelu ukrasne maske, prednjem vjetrobranskom staklu, prednjem lijevom prozoru, lijevom retrovizoru, zadnjem lijevom prozoru, odnosno na opisani način pričinio štetu oštećenom u visini od 20.031,67 KM za vozilo Audi A6 i 4.667,39 KM na vozilu Mercedes

dakle, nasiljem i drskim i bezobzirnim ponašanjem ugrozio građanski mir i pritom sa namjerom oštetio tuđe stvari

Čime je počinio krivično djelo Nasilničko ponašanje iz člana 362. stav 1. KZ FBiH i krivično djelo Oštećenje tuđe stvari iz člana 293. stav 1. KZ FBiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom